

上諭朕向在藩邸未請政事不識一人毫末閱
歷聞見及受

皇考聖祖仁皇帝付託之重臨御寰區惟日孜孜勤
求治理以為敷政寧人之本然耳目不廣見聞
未周何以宣達下情洞悉庶務而訓導未切諮

雍正硃批諭旨



具摺奏事以廣諮諏其中確有可採者即見諸

雍正硃批諭旨

第六冊

北京圖書館出版社

第六冊提奏人名銜

田文鏡，河南巡撫，河南總督，河東總督。

高其位，江南提督，太子少傅內閣大學士暫理江南提督事務。

許國桂，署理宣化總兵官正黃旗副都統，宣化總兵官。

王紹緒，廣東提督。

陳天培，江南崇明水師總兵官，浙江提督。

宋可進，署陝西涼州總兵官，署陝西安西總兵官，陝西甘州提督。

憲德，湖北按察使，湖北巡撫，四川巡撫。

喬世臣，通政司右通政署理蘇州巡撫，江蘇巡撫。

焦祈年，廣東觀風整俗使。

孔毓璞，浙江布政使，陝西甘肅布政使，陝西甘肅布政使協辦軍需，都察院左副都御史辦理軍需，整理屯田諸務都察院左副都御史，整理屯田諸務吏部右侍郎。

鍾保，甘肅布政使，護理蘭州巡撫印務布政使。

孫國璽，浙江杭州府知府，福建臺灣道，福建按察使，山東布政使，辦理河東副總河事大理寺少卿，協辦河東

總督事務河東副總河事大理寺少卿，署理河南巡撫事務大理寺少卿，署理河南巡撫事務左副都御史，暫署蘇州巡撫印務左副都御史。

謝旻，署理江西巡撫印務太常寺卿，江西巡撫。

第六冊目錄

硃批田文鏡奏摺(雍正四年正月至十年十一月).....	一
硃批高其位奏摺(雍正元年四月至三年十一月).....	四三七
硃批許國桂奏摺(雍正元年十二月至三年八月).....	四四七
硃批王紹緒奏摺(雍正五年三月至九年六月).....	四五七
硃批陳天培奏摺(雍正二年六月至七年六月).....	四七八
硃批宋可進奏摺(雍正三年三月至十年八月).....	四八五
硃批惠德奏摺(雍正四年四月至十二年正月).....	四九八
硃批喬世臣奏摺(雍正九年十一月至十一年七月).....	五六二
硃批焦祈年奏摺(雍正八年十月至十年十一月).....	五八五
硃批孔毓璞奏摺(雍正五年九月至十一年六月).....	五九五
硃批鍾保奏摺(雍正三年十二月至五年五月).....	六一四
硃批孫國璽奏摺(雍正六年二月至十一年九月).....	六二一
硃批謝旻奏摺(雍正七年十月至十二年四月).....	六三七

硃批田文鏡奏摺

雍正四年正月二十一日河南巡撫臣田文鏡謹

奏為據實奏明仰祈

聖鑒事竊查汝寧府知府張玠於未到任時即蒙

聖明洞鑒其人心術平常

命臣留心試用自到任之後臣隨時刻留心細加察訪

見其辦事明白操守亦尚廉潔業經臣於雍正三

年正月二十四日繕摺

奏明不意近日浮而不實漸加放縱一任信陽州叅

革知州李廷基橫行勒索派該府非惟不能禁飭且

硃批諭旨

三

十四

一

田文鏡

親至確山縣反為勸諭紳衿令其幫助確山縣知

縣張邦憲瞻徇情面并聽知府指揮膽將南汝道

陳世倌所發禁止告示匿不張貼從中勸諭紳衿

派幫廷基又有息縣知縣邵言綸固始縣知縣汪

誠陳州知州蔡維翰或任櫃書銀匠朦官作弊重

等收糧或向鹽商借貸致用十四兩小秤發賣食

鹽或怠惰偷安並不清查保甲盜案累累亦不比

緝以上各官並皆劣蹟昭著勢難一日姑容臣伏

查前奏信陽州知州黃振國一案荷蒙

皇上硃批諭旨格外獎賞臣跪讀之下固已受

寵若驚及讀至戒臣過於深刻之

聖諭臣益加悚惕不覺涕泗交流竊思臣受

皇上天恩至深至渥今於

恩寵倍加之時復寓以諄諄訓誡之

聖意無微不至無慮不周臣敢不鏤心刻骨仰體恪遵

但似此劣員臣久已訪聞誠恐未確又復細加察

訪事事確實有憑有證復據司道等官揭報到臣

臣若不亟為糾察不特諸臣辜負

弘慈臣亦自干欺隱之罪況各員劣蹟已著不便稍為

姑容致使人人效尤無復顧忌臣惟有據實入

硃批諭旨

三

十四

二

田文鏡

告竝不敢故為深刻也除將各員繕疏

題奏外理合繕摺

奏明伏乞

聖鑒謹

奏

各員果如此不法豈可一日姑容理應糾叅者但近日

以來每聞人論爾有任性尚氣之疵當深自省察切以

為戒

同日又

奏為仰懇

聖恩擢補賢員以收得人之效事竊查糧道沈廷正已蒙

皇上天恩補授河南按察使所遺糧道員缺關係通省漕糧驛傳鹽務且兼管開歸河三府陳許禹鄭陝五州地方極為緊要

皇上明竝日月無微不照內外大小臣工久在

聖明洞鑒之中糧道一缺自必補放得人協臣料理臣

亦何敢冒昧

奏請自干罪譴然臣一點犬馬報

主之誠時縈寤寐寢實有不能自己者臣查有開封府知

朱批諭旨

三

十

三

日

府孫蘭芬才具優長操守廉潔抑且奮自勉勵力

圖報效不敢稍懈至前蒙

聖諭性急之處臣復凜遵

諭旨時刻教導彼亦自知悛改日漸舒徐又衛輝府知

府張建德老成練達才守兼優以上二員足勝糧

道之任倘蒙

皇上天恩於二員之內

簡補一員不特該員感激

聖恩益思奮勉而臣亦得收臂指之效矣再查開封府

一缺係通省表率之首政務殷繁員缺最為緊要

而衛輝府一缺又係南北通衢每年復有協辦漕糧之責必須能員料理方免遲誤臣查據鄭州知州高文愷辦事明敏纖毫無染民情悅服聲名甚優倘蒙

聖主弘慈卽以高文愷陞補府缺該員自必益加努力

共報

聖恩至高文愷所遺員缺係臨河州縣客臣遴選熟諳

能員遵例另疏

題請補授似此一轉移間而地方均得其人矣臣為

吏治民生起見不揣愚昧冒瀆

硃批諭旨

三

四

日

宸嚴但是否臣言有當伏乞

皇上睿鑒臣不勝悚惶憂懼之至為此繕摺請

旨謹

奏

已有旨矣楊夢琰較沈廷正更優袁珂靳樹賢兩員未

必不勝如高文愷也

同日又

奏為恭謝

天恩仰祈

聖鑒事竊查豫省漕糧自衛輝府水次受兌由新鄉汲

縣而進至直隸大名縣所屬之龍王廟止共計水程紆迴六百四十餘里其中沙石灘淺非挑濬蓄洩不能前進向因濬滑內黃三縣視河南漕運爲隔省之事不甚相關而押運官弁以非本省所屬呼應不靈每年自十二月中旬起運至次年四五月內尚未盡出豫境以致各幫糧船每誤抵通之期今蒙

皇上天恩特將濬滑內黃三縣改歸豫省管轄俾地方有司各有責成押運諸員易於指使是以今歲起運雍正三年漕糧沿途地方各官皆協恭和衷竭

殊批諭旨

十四

五

田文鏡

力料理一切雇夫覓船建壩蓄水不分此疆彼界俱各一律奉行毫無推諉之弊至於築壩地方所需料物存有糧驛道暨開封府衙門應得鹽規情願歸公銀兩分發各屬照依時價公平採買遇有淺阻之處需用剝船亦係發給現銀雇覓應用均無虧短缺少貽累小民臣查濬滑內黃三縣百姓較之往年竟不知有漕運之累黃童白叟莫不以手加額感頌

皇仁歡呼之聲遍於四野茲復據押運等官報稱各幫糧船已於本年正月十七日盡出豫境且自今歲

起運以來河伯著靈水勢增長自三四尺起至五六尺不等船重者只須量行起剝船輕者便可暢行無阻似此

天人交格輪輓迅速實係從來未有之事此皆仰蒙我

皇上動悉利弊籌畫盡善之所致也所有官民踴躍至

情暨微臣感激私忱理合繕摺

奏謝仰祈

聖鑒謹

奏

據奏漕船已出豫境然總俟抵通之日方可定其輓輪

殊批諭旨

三

六

田文鏡

遲速也朕意此項漕糧將來終歸至小灘開兌而後受

同日又

奏爲據實再陳仰祈

聖鑒事竊查豫省漕糧每年額該買運米一十五萬一

千三百八十三石零內除中牟等縣沙壓灘地豁

免漕米一千六百八十三石零實應採買米一十

四萬九千六百九十九石零每石部定價銀六錢

五分共價銀九萬七千三百四兩零臣前因道口

等處米價甚昂不惟艱於採買有誤冬兌且恐再

買一十四萬餘石之米小民勢必乏食是以與糧

道沈廷正再三斟酌只得一時權宜將彰衛二府所屬存倉穀石暫爲碾米起運業經臣於雍正三年十二月初七日繕摺

奏明茲查據彰德府所存倉穀內動穀八萬石每石

碾米六斗五升共碾米五萬二千石每穀一石價

銀三錢五分共給貯價銀二萬八千兩衛輝府所

屬存倉穀內動穀六萬九千七十七石每石碾米

六斗五升共碾米四萬四千九百石五升每穀一

石價銀三錢五分共給貯價銀二萬四千一百七

十六兩零又據糧道沈廷正在衛輝等處採買米

硃批諭旨

三

十函

七

田文鏡

一萬一百七十石每石價銀七錢一分六釐零共價銀七千二百八十九兩零又在道口等處沿河水次採買米四萬二千六百二十九石零每石價銀八錢八分七釐零共價銀三萬七千八百三十八兩零以上共用過價銀九萬七千三百五兩零合之原額徵收米價並無賠墊至於暫貯各州縣庫穀價銀兩如價值平減之處臣已檄令該地方官作速買穀還倉卽或買不足數一俟麥秋暫買小麥存貯再俟秋收易穀還倉庶漕糧積貯均無貽誤矣所有採買漕糧并冒昧暫動倉穀細數合

再結摺具

奏仰祈

聖鑒謹

奏

爾之前奏已發部議矣

同日又

奏爲恭報瑞雪以慰

聖懷事竊據開封等八府所屬暨汝鄭等七州并所屬

各州縣報稱於雍正四年正月初一初二十一

三等日同雲密布瑞雲繽紛自五六寸起至七八

硃批諭旨

三

十函

八

田文鏡

寸不等地土潤澤麥根深固將見豐年預兆大有可書臣職任封圻幸逢嘉會不勝歡欣抃舞之至所有豫省得雪日期理合繕摺奏

聞伏祈

睿鑒謹

奏

據奏新正瑞雪通省普被但朕聞河北三府雨雪尚欠

沾足

雍正四年二月二十一日河南巡撫臣田文鏡謹

奏爲據實奏明仰祈

聖鑒事伏念臣至愚極陋仰沐

皇上殊恩畀以巡撫重任夙夜冰兢實無一事敢於苟

且至於叅劾屬員益自矢公矢慎必至不得不叅不敢不叅之時方敢據實入

告如前任信陽州知州黃振國狂悖貪劣經臣糾叅奉

旨審明解部關係匪輕於本年正月二十四日解至省

城聽候審解暫羈祥符縣監內緣黃振國於解省

之時行至西平縣地方偶被車翻碾壞左手皮破

筋傷於進監之時尚流血水每日延醫調治禁卒

李玉見其左手帶傷卽告知刑房王文輔隨寫報

殊批諭旨

三

十

九

田文鏡

呈呈報祥符縣知縣俞汝翼該縣詳報到臣臣卽

批按察司撥醫加意調治務痊審解在案不謂黃

振國之孫黃忠衡先因赴按察司呈保伊祖出監

未准機乘該縣文內有血流不止飲食不進字樣

輒赴按察司呈控刑書捏報重傷意在恣其凌虐

似有使令以輕報重致死滅口之情竟令承審各

官均罹不白之冤當據按察使沈廷正轉報到臣

隨批令該司飛提祥符縣暨刑書禁卒醫生嚴審

明確併取捏報職名去後茲據兩司審明黃振國

帶傷入監是實而刑書混寫血流不止飲食不進

字樣該縣不親加查驗冒昧率轉亦屬情確開具

職名請叅到臣除將祥符縣俞汝翼繕疏

題叅外臣思報呈內字句駭人該縣不察竟爾率轉

雖屬一時疎忽然黃振國係奉

旨審明之日解京重犯與尋常事件不同似此溺職之

員若不亟爲糾叅非惟不足以折黃振國之心而

承審各官亦不能洗其致死滅口之迹臣亦幾無

以自白矣伏乞

皇上俯鑒其中委曲出於無可如何之勢竝非臣敢於

殊批諭旨

三

十

十

田文鏡

皇上諄諄垂誡之

聖意也理合繕摺據實

奏明仰祈

聖鑒至臣所叅黃振國一案業經審明現在繕疏具

題起解赴部合併奏

聞謹

奏

朕幾曾命爾將應叅者勿叅耶此奏大奇

同日又

奏爲據實覆奏仰祈

聖鑒事竊臣家人齎回臣恭謝

天恩竝報各幫糧船盡出豫境一摺奉有

硃批諭旨據奏漕船已出豫境然總俟抵通之日方可定其輓輸遲速也朕意此項漕糧將來終歸至小灘開兌而後受欽此仰見我

皇上睿慮周詳無微不至臣何敢再為瀆

奏自干罪譴然臣蒙

皇上高厚隆恩非比尋常若明知其中利弊故為緘默

臣罪益不容誅矣茲臣復查豫省漕糧向由衛郡受兌自明季移於直隸大名府屬之元城縣小灘

硃批諭旨

三

十

田文鏡

鎮康熙三十五年前撫臣李輝祖題請改復業家

俞允至康熙三十七年運丁張文安等叩

閣部議仍改小灘後撫臣李國亮又請改復奉

旨允行迄今二十餘年不復更改者總因小灘之不如衛

郡已經歷試而權其輕重也所以臣前奉

皇上有河南糧艘可否由漳河挽運之

聖諭臣遵即細加察訪若移水次於小灘每於交兌之

時運米就船既苦轉輸之不易攜銀就買又遭牙

戶之居奇且該地方百姓均係回教臣聞豫民運

糧至彼即坐歇樹下亦需鋪地錢數十文其餘勒

索益自可想而知是以臣不敢冒昧請改而仍循舊例具

題者也至於衛郡至小灘內有水淺即艱於輓運之處惟濬縣所屬之屯子馬頭至老鶴嘴一十八里然每年淺阻皆由地方各官視為屬省之事遂致互相推諉遲延貽誤今蒙

皇上天恩特將濬滑內黃三縣改歸豫省管轄所以今歲起運雍正三年漕糧自受兌開行不及一月已盡出豫境若夫抵通之遲早自出豫境之後惟在直隸山東沿途地方文武各官照例催趲前進押

硃批諭旨

三

十

田文鏡

運官弁以及旗丁水手不致到處逗遛便可迅速

抵通則又非闕衛輝與小灘受兌之故也臣不揣

冒昧據實覆

奏竝不敢故為堅執妄瀆

宸嚴伏乞

皇上俯賜鑒宥臣不勝悚惶兢惕之至謹

奏

但須有濟於事何在多言況早經降旨下部矣無庸此

番瀆奏

雍正四年三月二十日河南巡撫臣田文鏡謹

奏爲恭報晴雨日期仰祈

聖鑒事竊臣伏查豫省所屬地方自雍正四年正月初一日起至二月十一日止所得雨雪日期業經臣節次繕摺

奏明茲復據各屬報稱於本年二月二十一等日各得時雨二三寸起至四五寸不等但臣查據通省所屬自入三月以來惟南陽汝寧二府所屬各州縣於本年三月初二初四等日復得時雨四五寸起至六七寸不等四野霑足其餘各屬低窪地畝雖尚多滋潤而高阜之處稍覺乾旱臣隨備檄通

殊批諭旨

三

田文鏡

田文鏡

行各屬查有未得雨澤地方一體竭誠祈禱外臣於本年三月初五日前赴彰德府會同學士何國宗等覆勘河源於三月十四十五十六等日經過地方得雨一二三寸不等然親見地土均未霑足所有二麥待雨情形理合繕摺謹

奏

今歲雨澤朕觀天時景象只恐過多耳弗憂不足

雍正四年三月二十七日河南巡撫臣田文鏡謹奏爲敬陳覆勘水利情形仰祈

聖鑒事竊查彰衛懷三府所屬各道河源據

欽差學士何國宗等業俱勘畢同副河臣嵇曾筠至省與臣會議欲將彰衛等府所屬百泉等水分別改造通流濟運臣聽其講說似與

國計民生兩有裨益故隨即畫題不謂何國宗等前赴臨清去後臣准咨委員分往百泉等處勘估工料沿河士民始知議定開挖改造河道無不驚恐紛紛陳說利害當據地方各官轉稟到臣後承委勘估工料之候補知府楊守知等旋省臣復細問情由與各屬所稟無異臣隨令楊守知等親赴臨清何國宗寓所分析回明以便改題嗣據楊守知

殊批諭旨

三

田文鏡

田文鏡

等回豫稟稱何國宗等仍照原議未肯更改臣隨詳悉具札致意與何國宗未敢冒昧具奏茲臣接准部咨知何國宗等即將臣書內情節繕摺具

奏荷蒙

皇上天恩俯允九卿議覆令臣等再行確勘虛衷秉公

妥議臣於雍正四年三月初五日自省赴彰德府

跪請

聖安何國宗等即將勘河之事轉傳

諭旨務須公同虛衷妥議期於運道民生兩有裨益毋

得各執已見竝宣諭地方官民各宜仰體

皇上重濬愛民至意不可以私意阻撓等因欽此欽遵

臣敬將

上諭隨處傳集官民逐字宣讀廣布

皇仁并令地方各官恭繕出示徧爲曉諭當據沿河士

民俱各稟稱從前

欽差來勘之時並未傳集我等曉諭亦未明說作何更

改我等實未與知及委員來估工料我等始知定

議但洹河百泉如照依前議改造雖有分水之名

實無涓滴可灌地畝至於小丹河水勢每年伏秋

殊批諭旨

三

五

田文鏡

極爲涸湧今斗門止寬一丈零四寸尚被水淹查

康熙五十五年六月內山水漲發由斗門闢直至

清化鎮西門勢甚迅猛今若再爲加寬民命田廬

恐難保護今蒙

皇上天恩特傳

諭旨軫念民等

欽差覆勘斟酌料理我等不啻再生

聖恩浩蕩感激靡涯臣見士民莫不以手加額歡呼之

聲偏於四野此誠我

皇上念切痼瘼周詳指示之所致也茲臣會同查勘安

陽縣屬之洹河自善應山發源流至高平村河上

有自東往西石橋一座內除東西兩頭無水橋空

外餘計四十三空現在流量長三十三丈河面

約寬一百餘丈橋之東北一百四十丈緊靠東岸

建有進水灌田石閘一座口寬一丈河灘上有順

水斜向西南石壩一道共長四十丈內沙淤二十

丈出土微高者止二十丈竝非攔河築壩截水斷

流臣再查現今河水通流濟運田高水低竝無涓

滴入閘每年農民當需水灌田之時於橋東第一

洞起至第十洞止沿河東邊壘石引水八分之一

殊批諭旨

三

十六

田文鏡

已足灌漑餘俱暢流濟運若通行遏入地畝已盡

爲巨浸此前議拆去石壩另築挑水壩座實於漕

運無益徒費錢糧母容議改者也臣復與何國宗

等細爲查勘如民間需水之時東岸仍照舊給民

橋空十洞聽民順河壘砌石子引水灌田西岸橋

空三十三洞疏濬深通俱歸運道實屬官民兩便

臣再查輝縣百泉之南兩旁各有石堰一道開有

小口稱爲仁義禮智信五閘各閘之旁皆有還河

閉住閘口泉水卽從還河而入民間借水灌田之

後餘水復由還河而歸入大河仍濟漕運前議於

池南建石壩一道開三口門分爲三渠官渠口門寬一丈六尺民渠口門共寬八尺渠內仍照舊各建五閘分灌民田但臣查水勢就下官渠居中口面寬至一丈六尺中泓寬深勢必建瓴直瀉兩旁民渠西渠口面僅寬三尺六寸東渠口面僅寬四尺四寸且仁字第一閘逼近分水之口非惟不能遏水使高灌入民田并恐一經開住官渠洩瀉勢急又必去而復回是仁字一閘已萬難灌漑何況以下之田今議將民渠兩處水口共再加寬二尺仁義閘座從分水渠口下移聽民自便臣見地勢漸低便可引水灌漑其舊有之五閘竝皆堵塞舊堰之內各另築石堰一道使官渠之水不能旁洩俱通流入衛於漕運大有裨益臣遵卽會同何國宗等合詞具

硃批諭旨

三

七

日文鏡

奏在案惟是河內縣所屬之小丹河臣詳勘地勢細察民情其進水石斗門有斷不宜加寬者然欲與運道民生兩有裨益總不如將小丹河之水盡入衛河以濟運道而小丹河內東西民地查有秦董二渠現在均可量爲加寬分水灌漑不特上與漕運更有裨益抑且永無後患民情俱各心安乃臣

與何國宗等虛衷秉公再三婉商惟副總河臣嵇曾筠亦深以爲然而何國宗堅執前議臣等因復會同屢次確勘據清化一鎮竝各村莊士民每日不下數百餘人紛紛稟說利害不謂何國宗竟置若罔聞動輒怒形於色反加以阻撓二字查究姓名緘民之口以致士民盡皆股栗伏地哀懇似與虛衷妥議之

聖諭未協而疏內

奏稱竝無異詞實非百姓果無異詞也然臣等仰體

聖懷竝不敢與何國宗彼此齟齬惟有從旁委曲勸解

硃批諭旨

三

六

日文鏡

且卽如臣等所議尙有何事未當何事不如前議在何國宗亦不能指出惟口稱若不照依前議皇上差我們這幾箇人出來做什麼就是九卿班上看我們也竟不是人了又向臣說據百姓說改不得就依了他難道我們倒跟不上百姓等語臣思運道民生均關

國計如果前議事屬可行卽或民情多不樂從臣等亦焉敢復有異議其如一經更改當伏秋水漲發竝非人力所能操縱民命田廬實有可虞現據士民驚恐呼籲臣只得另議同副河臣嵇曾筠合

詞與何國宗等一併彙疏具

奏總之臣蒙

皇上特達之知畀以封疆重任復蒙

聖諭諄切訓誡臣惟有悉心籌畫以圖萬全竝不敢偏

凡人自以爲是之處卽屬偏執也何云不敢偏執至於

執已見多費

不避嫌疑不務虛名八字在朕許爾則可若公然居之

國帑作此無甚裨益隱伏利害并致民情驚恐之事

不疑必受此八字之病且爾此意正爲避嫌疑務虛名

而發乃自不覺而猶喋喋陳耶

聖明洞鑒無庸再爲瀆

奏者也緣欽奉

上諭虛衷妥議事理謹將詳細確勘并另議情形繕摺

殊批諭旨

三

十函

田文鏡

據實奏

聞伏乞

睿鑒謹

奏
何國宗等數人非朕傾心任用者不過使其查勘耳豈卽以其言爲準爾等第各抒所見秉公籌議朕自有審擇兩端取中之道

同日又

奏爲恭報晴雨日期仰祈

聖鑒事竊照豫省所屬地方自入三月以來惟南陽汝

寧二府所屬各州縣得雨霑足其餘各屬自本年

三月初二日起至十六日止所得雨澤業經臣繕

摺

奏明茲查據開封府屬之蘭陽等縣懷慶府屬之河

內等縣於三月十九二十等日復得時雨一二寸

不等又查據附省各州縣於三月二十六日又得

雨澤寸許雖四野均未霑足而麥苗得此微雨可

以滋長除各屬有無得雨容俟報到另摺具

奏外臣現在設壇率領各官竭誠祈禱并通行各屬

一體誠求所有豫省復得微雨日期理合繕摺奏

殊批諭旨

三

十函

三

田文鏡

聞謹

奏

專事祈禱莫若修省吏治多有譏爾諱飾災眚但遇州

縣據實詳報者卽欲加以叅劾云云果若此豈爲民上

之道萬萬不可切戒切戒

雍正四年四月初二日河南巡撫臣田文鏡謹

奏爲恭報雨澤分寸暨桃汛水勢平穩情形以慰

聖懷事竊查豫省所屬地方自入三月以來所得雨澤

業經臣節次繕摺

奏明茲臣續據各屬報稱於本年三月二十六日各

得時雨自二三寸起至五六寸及霑足不等又據省城暨附省各州縣報稱於本年三月三十日復得時雨二三寸不等從此麥苗滋長豐稔可必除離省路遠各屬同日有無得雨一俟報到臣再另招具

奏外所有豫省復得雨澤分寸理合繕摺奏

聞再臣伏查豫省黃河水勢今歲自入桃汛以來至三月十五日止共長水自一尺起至二尺四五寸不等除長落相抵外現今竝無長落一切工程堤岸俱各平穩此皆仰賴我

殊批諭旨

三

至

田文鏡

桃汛雖過伏秋尚未屆期且宜安慎以待何得如此大皇上弘福齊天至誠感孚之所致也臣職任封疆不勝

歡欣踴躍之至所有汛水平穩情形合併具

奏仰祈

聖鑒謹

奏

近日以來畿內雨水過多朕心甚為憂虞

雍正四年四月初十日河南巡撫臣田文鏡謹

奏為恭報雨澤霑足情形以慰

聖懷事竊臣伏查豫省所屬地方近據各屬陸續報稱

目雍正四年三月三十日起至四月初十日止連

日同雲密布甘霖大沛高下地畝竝皆十分透足二麥可必豐收秋禾足滋茂植黃童白叟莫不歡呼踴躍感頌

皇仁此誠仰賴我

皇上弘福齊天恩膏普被之所致也臣職任封疆不勝

歡欣鼓舞之至所有豫省得雨霑足二麥暢茂情形理合繕摺奏

聞謹

奏

殊批諭旨

三

至

田文鏡

覽豫省霑足情形朕懷深慰直隸地方未免雨澤過多於二麥尚屬無妨秋禾則甚有礙朕所以憂虞莫釋也

豫撫田文鏡性情僻闇信用僉邪賢否倒置謹

擇其尤甚者恭摺上

聞若上蔡知縣張球本屬市井無賴因將烏姓幕賓

薦於巡撫衙門藉此招搖恐嚇同官撫臣信為

心腹委署光州勒借息縣知縣邵言綸銀一千

兩邵令止給五百兩未滿所欲即揭叅邵令日

耽詩酒一任櫃書重等查邵令竝無詩酒之事

所迫重等係市中所用竝非櫃等又因查固始

縣倉穀勒索知縣汪誠餽送不遂即指汪令與

鹽店換錢買穀一事誣爲借錢縱商小秤鹽商
送張球銀八百兩求免掛叅後田文鏡附叅商
名張球始吐原銀查汪令實係換錢並非借錢
所追小秤係歷年舊秤並非因借錢減小聞汪
誠居官才守兼優而撫臣信誣叅革賢否倒置
莫甚於此懇乞

皇上密敕撫臣將張球拏問將汪誠昭雪則公道彰
而人心勸矣謹

奏

雍正四年四月初五日

來此諭旨

三

三

田文鏡

有人具此一奏發來汝看汝之居心不肯負恩欺朕原
可確信不疑至若汝之屬員負汝欺汝與否則未可定
也蓋用人最不宜護短聽言尤不宜偏信如上蔡令張
球覽此叅摺更訪之他處似一僉邪劣員汝或被其簧
鼓不自覺知耳今當加意體察據實奏覆朕往往見清
正大臣於妻孥家人屬員親友間或牽於溺愛受譖愬
而無疑或比於私誼被愚弄而不寤致冒不明之譏因
招敗檢之累者不可枚舉不寧惟是卽年羹堯從前朕
亦何嘗不被所誑惑一旦覺悟卽宜果決切勿執迷以
求文飾自謂我何得有錯云云橫此偏見於胸中則其

害至不可勝言矣況又非親非友何故以清潔一身甘
被其污而受衆人之謗耶爾等當取法乎朕虛公省察
務別真偽倘誤信一二匪人所繫實非淺鮮朕操生殺
予奪之柄利害榮辱可判於目前而臣工之是非邪正
兼關其千秋後世名節尚不能得奉公持正致身爲國
者幾人爾等之屬官下吏中豈易邂逅一心一德同休
共戚之儔乃魚目混珠燕石擬玉以自蔽其聰明何哉
朕此論發前人所未發爾等封疆大吏膺激揚舉錯之
責當觸目警心以爲終身誦誌之勉之

夫可信者非人而何故語云始吾於人也聽其言而信

來此諭旨

三

三

田文鏡

其行不可信者非人而何故續云今吾於人也聽其言
而觀其行於此特衡稍不均平則失之毫釐謬以千里
難言知人用人之道矣

雍正四年四月二十七日河南巡撫臣田文鏡謹

奏爲遵

旨據實覆奏仰祈

聖鑒事竊臣齋摺家人回豫恭捧

皇上硃批奏摺一扣欽奉

諭旨到臣跪讀之下不勝悚慄憂懼乃蒙

皇上天恩不卽嚴加治罪